

## Molaodi o moswa wa yuniti ya Batho ba Lehumo le Lentši

**Tshwane, 18 Oktobore 2021** – Ditirelo tša Motšhelo tša Afrika Borwa (SARS) lehono di amogetše Moh. Natasha Singh, setsebi sa matlotlo sa maitemogelo a mengwaga ya go feta ye 20, bjale ka Molaodi: Lekala la Batho ba Lehumo le Lentši (HWI). Khomišinare Kieswetter o tsebagaditše Moh. Singh go bašomammogo le bašomi ba ka diofising tša ka Woodmead fao yuniti e mpsha e bago gona le Dikgwebo tše Dikgolo le tša Ditšhabatšhaba (LB&I).

Ms Singh o na le seananarena sa borena bja *Masters* gomme ke setsebi sa motšhelo. O thoma go šomela SARS a e tšwa ka Eskom fao a šomilego bjale ka Khuduthamaga ya Matlotlo: *Group Insurance and Tax*. Go thwalwa ga gagwe ke matsha a magolo kudu ka ge go thulana le palo e ntši ya dipego tša moragorago tše di amago karolo ye ya balefela motšhelo, go akaretša tokollo ya gabjale *Pandora Papers*.

Go sepelelana le nepo ya maano a SARS go nolofaletša le go kaonafaletša balefela motšhelo go obamela boikgafo bja bona bja semolao, go thwalwa ga Moh. Moh. Singh o tlile ka nako ya maano a bohlokwa a go thuša go kaonafatša obamelo ya batho ka noši ba bahumi ka dipeakanyo tše mmalwa tša matlotlo.

Moh. Singh o boletše gore, “Ke tloga ke tlötlegile kudu gape ke ikokobeletša sebaka seo ke se filwego sa go tšeamaikarabelo bjale ka Molaodi wa ka SARS wa yuniti ya Batho ba Lehumo le Lentši. Ke tloga ke le mošomedi wa setšhaba ka pelo ya ka ka moka, gape ke na le mafolofolo a mantši a morero wa godimo, Ke holofela go hlompha le go fana ka kabelo e botse go Morero o Mogolo wa SARS wa go direla MaAfrika Borwa ka moka ”.

Khomišinare wa SARS Edward Kieswetter o boletše gore, “Re lemoga kabelo ya ditseno go tšwa go lekala le, ka mekgwa e mentši, ka go Rephaboliki ya Afrika Borwa. Gape re letetše diphetogo tše di ka tšwelelago mabapi le merero ya motšhelo le boitlemo bja balefela motšhelo ba batho ka noši le malapa a bona. Batho ka noši ba bahumi, gantši ba beakanya merero ya bona ya matlotlo ka mokgwa wa go hlakahlakana le dikago tša moše wa mawatle, gantši le go khutišiša dikholego thwii tša dikgwebo tša bona le letseno la nnete.”

Mrn. Kieswetter o tlaleditše ka go re dikutullo tše di tšwetšwago pele go tšwa go phatlalatšo ya ditaba ya lefase mabapi le ditransekšene tša matlotlo a batho ka noši ba lehumo la godimo go rapalala le lefase ke a lebaka la merero yeo e nyakago nyakišišo ya maleba ya ditsebi tše bjale ka Moh. Singh. “Mola kgetho ya rena ya setlogo e akaretša palo ya batho ka noši ba bahumi le ditheo tša bona tša go nyalelana, go tiišetša tsepelelo, re tla tšwelapele go katološa phihlelelo y arena ya go akaretša batho ka noši ba bantši le malapa.

“Mola SARS e ikgafetše go thuša balefela motšhelo ka boitlemo bja bona bja semolao, setheo se ikemišeditše go latelediša le go thibela go se obamele. Go tlaleletša SARS e ka se kgotlelele go se obamele ka bomo gape e tla thatafaletša le go lefiša dikotlo tša godimo go balefela motšhelo ba bjalo ntle le go fiega goba go kgethologanya,” Mrn Kieswetter o tlaleditše ka go realo.

Moh. Singh o tlo thoma ka mošomo wa gagwe o moswa ka SARS go tloga ka la 18 Oktobore 2021. Lebelela seswantšho seo se tlhomilwego.

Go hwetša tshedimošo e nngwe, ikgokaganye le [SarsMedia@sars.gov.za](mailto:SarsMedia@sars.gov.za)